

centia carnis. Ergo hoc modo noster Joseph potest esse immaculatus conceptione activa: ergo revera sanctitas existere potuit in sua conceptione; ergo potuit sanctus esse cum sui esse; ergo absque complexibus libidinis maritalis sanctitas se ipsi conceptioni immiscuit; ergo simul sanctificatus fuerit et conceptus: ergo eius sanctitas fuit per Dei amorem et cum spiritu sanctificante; ergo eius conceptio fuit absque peccato, quia fuit absque libidine.

Nos haec sublimia, &c.

R. Deo gratias.

R. Totus pulcher est noster immaculatus Joseph,* et macula originalis non fuit in illo, ¶ Quia Spiritus Sanctus ambobus, id est, Mariae ac Josepho dedit Filium Unigenitum Patris Aeterni.—Et macula....

—DIA 13 DE ABRIL.—

LECTIO I.

—EX DOCTORIBUS.—

Collaudemus toto corde Dei Sapientiam,
Virgini qui junxit sorte Joseph diligentiam,
Qui nascentis sine sorde aleret infantiam,
Quem inviolatae Matris peperit integritas,
Ipsam putativi Patris aluit Virginitas,
Hostibus celatur atris hac arte divinitas.

Joseph portat, Joseph tractat, Joseph mactet osculis,
Dum Herodes parvos mactat artibus minusculis,
Joseph hunc quem virgo lactat subtrahit periculis
Puer in Aegyptum ductus Joseph ministerio,
Ab eodem post reductus Patris est imperio,
Maturescit, caeli fructus fit crucis mysterio.

—Ord. Carmelit.

R. Decet profecto ut nostrum divinum Josephum.
*Quem Christus veluti Patrem veneratus est. ¶
Nostrum Institutum suo sancto nomini consecratum
singulari reverentia omnibus modis prosequatur.—
Quem....

LECTIO II.

Josephum esse immaculatam forsitan probari potest.

Quis unquam inter devotos D. Josephi dubitare poterit quin ei denegatum fuerit maximum privilegium immaculatae conceptionis? An fieri potest quod Deus permisisset originalem maculam residere in illo homine destinato ut esset virginalis Pater pulcherrimi lillii convallium, qui et a prophetis praedictus, a gentibus spectatus, a collibus desideratus, qui demum Salvator mundi praedestinatus fuerat? An ei abfuerat potestas ut a communi peccatorum lege omnino averteret illam privilegiatam creaturam adeo illi praedilectam et qui esse debebat maius nostrae redemptionis instrumentum? Si hoc autem facere poterat, eiusque dignitati erat decorum, quod et Virgo Mater instanter postulasset, quae autem est difficultas ut credamus sic esse factum et in antecessum fuisse applicata virginali Patri, sicut et Virgini Matri, merita passionis et mortis Unigeniti Aeterni Patris, illumque omnino abstulisse ab originali macula? Utrum supponi potest quod Josepho non fuisset concessa gratia facta in favorem Jeremiae et Joannis Baptistae, ut ambo, nempe, in utero fuissent sanctificati? Ergo si Joseph est summe superior Jeremiae et Joanni Baptistae, perspicuum videtur ei fuisse datam gratiam multo superiorem, id est, conceptionem ab omni labe

immunem. Ergo Joseph esse immaculatum forsitan probari potest.

Nos hæc sublimia, &c.

R. Deo gratias.

R. Totus pulcher es Joseph, et macula originalis non est in te.*Tu, potentissime Joseph, honorificentia populi nostri. ¶ Minuisti Josephum in virtutibus paulo minus a Sponsa sua Maria. Tu, potentissime. . . .

LECTIO III.

*Per Geneseos probatur immaculata conceptio
—nostri Josephi.—*

Verum est in Sacra Scriptura nihil esse quod aperte affirmet D. Josepho fuisse concessam gratiam immaculatae conceptionis, sed in aliquibus locis Veteris Testamenti habetur quod ad eam coniciendam sufficit. Et requidem vera quid aliud voluit Deus significari, quum iratus adversus Angelum malum, in serpenti figuratum, quod Adamum et Hevam induxerat ad violandum divinum præceptum, edidit illa terribilia verba, quae in Genesi habentur; Inimicitias ponam inter te et mulierem, et semen tuum et semen illius; ipsa conteret caput tuum; quid autem, inquam, voluit Deus significare nisi quia, sicut Maria Josephi coniux fuit absque peccato concepta, sic etiam accidit eius divino coniugi? Quia, ipsa conteret caput tuum, est idem ac ipsa per ipsum, id est Josephum. Non enim esse potest mulier desponsata sine eius viro; et Maria non poterat esse Mater Jesu sine consensu Josephi eius virginali Sponso, et in magno Incarnationis mysterio ambobus erat operandum per modum unius; quoniam uterque solus efformabat divinum con-

ingium. Ergo de hoc divino matrimonio dici debet; Penitus contrivit caput et potentiam huius serpentis, qui numquam peccati fomitem vel pravam cogitationem in se habuit, quia nullum nec quidem originale peccatum in se admisit.

Nos hæc sublimia, &c.

R. Deo gratias.

R. Omnes hæreses et tyrannides omnes per virtutem Christi seminis et filii eorum,*tam Virgo Maria, quam Joseph virgo et per eos christiani omnes. ¶ Perfectissime devicerunt et profligaverunt. Tam Virgo. . . .

—DIA 14 DE ABRIL.—

LECTIO I.

—EX DOCTORIBUS.—

Felix matrimonio, fide, sacramentum,
Neque prole vacuum; sed flore vetento,
Vice Pater, Virgo Parens, hic et illa labe carens,
Cum honore virginali, cura sibi conjugali,
Mutuo subserviunt, et dulcem enutriunt
Pari voto Filium.

Quorum ministerium, latens in mysterio,
Decepturus inimicum, verus Deus et antiquum
Perficit concilium.

Gloria summo parenti, laus æqualis Genito,
Ab utroque procedenti, par decus Paraclito,
Qui nos salvet præpotenti Sancti Joseph merito.

—*Ord. Carm.*

Nos hæc sublimia, &c.

R. Deo gratias.

R. Ynitio nascentis Ecclesiae ac medio tempore,
*Propter tyrannos et hæreses divinum Josephum

debite honorare prohibebatur. ¶ Consequens est ut hodie culto hyperduliae revera peragatur. Per tyrannos....

LECTIO II.

Per Cantica Canticorum probatur conceptionem S. Josephi potuisse esse immaculatam.

Si nostra Sancta Mater Ecclesia tamquam vera magistra omnium veritatum post illa verba; Tota pulchra es, Maria, etiam dicebat; et macula originalis non est in te; vestimentum tuum candidum quasi nix et facies tua sicut sol; benedicta es tu, Virgo Maria, a Domino Deo excelso prae omnibus mulieribus super terram; trahe nos, Virgo immaculata post te, curremus in odorem unguentorum tuorum; atque, tamquam sine originali labe concepta, tu gloria Jerusalem, tu laetitia Israel, tu honorificentia populi nostri; sic etiam nobis videtur post illa verba a Spiritu Sancto allata; ecce tu pulcher es, dilecte mi, et decorus, in honorem S. Josephi, etiam de eodem Josepho dicere possumus; Totus pulcher Joseph, et macula originalis non est in te; vestimentum tuum candidum quasi nix et facies tua sicut sol; benedictus es, Virgo Joseph, a Domino Deo excelso prae omnibus hominibus super terram; trahe nos, Virgo immaculate post te, curremus in odorem unguentorum tuorum, atque ut revera sine labe conceptus, tu gloria Jerusalem, tu laetitia Israel, tu honorificentia populi nostri. Itaque, illa verba nuper allata; Ecce tu pulcher es, dilecte mi, et decorus, cur non dicemus fuisse dicta a Spiritu Sancto in honorem Josephi, ut inde coniceremus illum, veluti virginalem Dei parentem simili modo fuisse sanctificatum, quo eius Sponsa B. Virgo Ma-

ria? Ideo immaculatus esse debet noster Joseph, quia in nullo corruptum esse conveniebat.

Nos hæc sublimia, &c.

R. Deo gratias.

R. Immaculata conceptio est Sanctae Mariæ Virginis, *Quae serpentis caput virgineo pede contrivit. ¶ Beatum te dicent, S. Joseph, omnes generationes, quia fecit tibi magna, qui potens est.—Quae serpentis....

LECTIO III.

Per privilegium Joseph potuit esse immaculatus.

Adducunt aliqui dictum illud Pauli asserentis omnes in Adamo morte peccati mori; in Adamo omnes moriuntur; ac proinde dicunt S. Josephum ex Adami stirpe, tamquam ceteri mortales in peccato fuisse conceptum. Nullo dubio admittitur lex generalis a Paulo recordata; sed nos dicimus; An Deus ex sua gratissima voluntate non posset virginalem eius Patrem a lege generali eximere, sicut et Virginem Matrem antea exemit? Nonne aliae sunt leges generales, in quibus minime comprehenditur D. Joseph? Lex generalis est ut omnia hominum corpora ad pulverem redigantur, sed S. Joseph ab hac lege fuit exemptus, nam pro certo habemus paulo post eius mortem resurrexisse et gloriosum cum Jesu in caelos ascendisse, quae inde est difficultas ut admittamus illum fuisse a peccato originali vacuum ab ipsa conceptione? Lex generalis est ut omnes homines peccato actuali subiiciantur, sed Joseph in hac regula non invenitur, pie autem creditur illum nullum habuisse peccatum sed e contrario optimum semper facisse. Lex est generalis ut omnes matres filios in lucem edant dolose, in

dolore paries; sed hoc minime accidit Matri D. Josephi, quæ ex adverso sensit in ipso actu purum et sanctum gaudium. Ideoque difficile non videtur asserere Josephum gratia et privilegio sine labe fuisse conceptum.

Nos hæc sublimia, &c.

R Deo gratias.

R Admirabile est nomen tuum, Domine in universa terra,*quia in virginali Patre tuo Josepho dignum tibi habitaculum præparasti. ¶ In sole suæ immaculatæ conceptionis posuit Deus tabernaculum suum. Quia in virginali....

—DIA 15 DE ABRIL.—

LECTIO I.

—EX DOCTORIBUS.—

Ex usu Ecclesiæ et auctoritate, nullum potest sumi argumentum, alias concludendum esse Sanctum Josephum esse inferiorem Laurentio, imo et Doctoribus et omnibus Sanctis, quos Ecclesia majore solemnitate colit, quod falsum est, et sine fundamento. Ecclesia ad majorem cultum celebrandum, considerat plures rationes et circumstantias. Adde etiam sanctos præsertim colere, qui ad Novum Testamentum pertinent. Aliunde conjecturae factæ in favorem Sancti Josephi piæ sunt, et non parum urgentes; quapropter in hac piæ existimatione nullum est periculum, nulla temeritas.—*Suar.*

Nos hæc sublimia, &c.

R Deo gratias.

R Excellentia et sanctitas divini Josephi latuit occulta fidelibus.*Sed dicebatur de illo esse verum Sponsum Mariam et Patrem Jesu. ¶ Et de his mo-

dos abtitudinis et sanctitatis concludere possimus. Sed....

LECTIO II.

Maria et Joseph respicientes Jesum.

Facies et propitiatorium de auro mundissimo, duos quoque Cherubim aureos facies ex utraque parte oraculi, respiciantque se mutuo, versis vultibus in propitiatorium. Per propitiatorium Christum Dominum fuisse designatum; per alterum Cherubim, qui effigiem habebat fœminæ B. Virginem figurari negandum non est; per alterum B. Josephum designari similiter certum est, quia Josephi mores angelici dicendi sunt munditiam virginitatis semper spirantes, sapientiam exprimentes divinam, dum prudentissime concilia perficeret angelica ac divina ardens charitate Deum verum manibus pertractaret. Deo semper stat chorus angelorum, quorum nonnulli in ministerium mittuntur, propter eos, qui hæreditatem capiunt salutis. Putas ne Joseph Christi præsentiam, sive in infantili aetate, sive in adolescentia, sive in iuventute sponte aliquando deseruisse? Eisdem pariter Christo semper et pro semper deserviebat magno cordis iubilo etiam propter nos, qui in suo sancto Instituto hæreditatem accepturi eramus salutis. Propitiatorium ex auro mundissimo, id est, Christus Jesus, impeccabilis est ex natura sua; uterque quoque Cherubim etiam est impeccabilis per gratiam et privilegium; hac de causa tum absque peccato actuali, tum sine labe originali conceptus. Maria ergo et Joseph sunt illi duo Cherubim se mutuo respicientes, sicut Christus Dominus est illud Propitiatorium aureum.

Nos hæc sublimia, &c.

R Deo gratias.

R Quanta dignitate Christus esset, quanta Virgo, quanta Joseph. *Ignorabatur Christi divinitas, Deiparae Virginitas et Josephi castitas. ¶ Scissum est velum et per fidem Christi sacrosancta mysteria orbi universo patuere. Ignorabatur. . . .

LECTIO III

Joseph fuit velum pretiosum ante Mariam et Jesum.

Quum intulissent arcam in tabernaculum testimonii, appenderunt ante eam velum. Arca autem quid nisi S. Maria? Siquidem arca intrinsecus portabat testamenti tabulas; Maria autem ipsius testamenti gestabat haeredem, id est, Christum Jesum; et tum Mariae, tum Jesu pulcherrimum aliud velum admirabiliori varietate contextum appenditur. Velum autem quid nisi S. Joseph? Certissime, quia ille fuit revera velum mira varietate omnium virtutum contextum; fuit aptissimum velum ex coelesti hyacintho, regia purpura, candidaque bysso fabricatum; scilicet, absque peccato tum actuali, tum originali. Hac de causa nostra regina sanctorum omnium sic aiebat; Nigra sum, sed formosa, filiae Jerusalem, sicut tabernacula Cedar, sicut pelles Salomonis. Nigra sum, id est, grayida inventa sum, sed formosa, id est, salva meae virginitate, quoniam per consensum Josephi ex Spiritu Sancto concepi; Nigra sum secundum opinionem male videntium; sed formosa secundum fidem bene credentium; Nigra sum, quia virginitatem amississe ignorantibus videor; sed formosa sum, quia magno cum virginitatis splendore conceptum Dei Filium gero, quia sum vera virginalis Mater, quia meus Sponsus

Joseph est verus virginalis Pater. Ergo fuit Joseph velum praetiosum ante Arcam et Propitiatorium, ante Mariam et Jesum.

Nos haec sublimia, &c.

R Deo gratias.

R Per unum hominem peccatum in hunc mundum intravit in quo omnes peccaverunt. *Ne timeas, Maria, invenisti gratiam apud Deum. ¶ Ne timeas, Joseph, quia Spiritus Sanctus proclamavit tuam innocentiam, dicens, Quum esset iustus. Ne timeas, Maria. . . .

—DIA 16 DE ABRIL—

LECTIO I.

—EX DOCTORIBUS.—

Domine Sancte Joseph ineffabilibus benedictionibus dotate, Patriarcharum culmen, adjutorium Mariae simillimum; Vir virgo virginis Matris, ante signatae Virginei conjugii, solatium Dei genitricis atque filii David. Domine Sancte Joseph, cujus Filius dici et putari dignatus est Filius Dei; cui Dominus universorum se subjecit; quem tanquam alterum David, Deus invenit secundum cor suum; qui dignus habitus est, cui tuto committeret Deus secretissimum atque sacratissimum cordis sui arcenum. Domine Sancte Joseph, cui datum est non ignarum esse mysterii quod nemo Principum hujus saeculi agnovit; qui quem multi reges et prophetae, voluerunt videre ac audire, et non viderunt, neque audierunt; meruisti non solum videre et audire, sed etiam portare et deducere, amplecti et deosculari, nutrire et custodire.—*Litan.*

Nos haec sublimia, &c.

R. Deo gratias.

R. Fiet ergo de nostro divino Josepho festum præcipuum et magis venerabile. *Mandet Christi Vicarius in terris, sancto suadente spiritu. ¶ Ut festum illius cum honore summae dulciae revera ab omnibus celebretur. Mandet....

LECTIO II.

Noster Joseph est tabernaculum Mariae et Jesu.

Tamquam revera immaculatus fuit noster Joseph Christo Domino et Deiparae præstantius tabernaculum Cedar tabernaculis, quod exterius paupertate, laboribus, peregrinationibus et persecutionibus denigratum est, pulchrum tamen et decorum interiorius. Et, tamquam coeleste velum mira varietate contextum donis admirabilibus virtutum in eo cognitatum et eius conversatione circumstantium, semper fuit utilissimum Mariae et Jesu. Noster Sanctissimus Joseph, ut tabernaculum Dei et Mariae, semper cum hominibus habuit pias ac religiosas conversationes, utpote Christo Domino Deo vero dies ac noctes serviebat; fuit eius conversatio magis in Deo et Maria quam inter homines; fuit denique eius conversatio divina officio, habitatione ac coniugio; gessit enim personam Dei Patris omnium conditoris, dum Verbi Incarnati erat revera virginalis Pater; cum Christo itidem conversatus, ut Pater cum Filio suo, et cum quo multos per annos comedit, vivit et sub eodem tecto habitavit. Fuit quoque Sponsus Virginis, in qua habitavit Spiritus Sanctus, Deus verus plenissime. Ac fuit tandem Christi Pueri ac Matris eius Mariae contra insidias diaboli defensor, cui Deus Omnipotens incognitas Josephi virtutes opposuit. Altior coelis est Joseph et abyssu profundior, cui

laudes dicere conamur, tamquam sine labe concepto. Si coelo te vocem, altior tu es; si Patrem gentium, præcedis; si virginalem Dei Patrem te appellem, dignus existis, si Dominum omnium sanctorum, primus esse probaris.

Nos hæc sublimia, &c.

R. Deo gratias.

R. Eripuit Dominus animam meam de morte et contra inimicum peccati factus est protector meus. * Transite ad me, omnes qui concupiscitis me. ¶ Et narrabo vobis filiis meis quanta fecit Deus animam meam. Transite....

LECTIO III.

Christus urbs, Virgo murus et Joseph antemurale.

Juxta Isaiam; Urbs fortitudinis nostræ Sion Salvator, ponetur in ea murus et antemurale; Dominus Jesus est urbs fortitudinis; murus autem civitatem cingens est B. Virgo, antemurale autem civitatis huius fuisse B. Josephum non est dubitandum; quia quemadmodum tormenta bellica et bellatores prius et efficacius irruunt in antemurale, et postea in interiorem murum, ut secure ingrediantur, spolient et possideant civitatem; sic etiam persecutiones, tribulationes et difficultates prius irruebant in Josephum, ut patet in fuga Ægypti; Ecce Angelus Domini apparuit in somnis Joseph dicens, Surge et accipe Puerum et Matrem eius et fuge in Ægyptum, et esto ibi usque dum dicam tibi; futurum est enim ut Herodes quærat Puerum ad perdendum eum. Defuncto autem Herode, ecce Angelus Domini apparuit in somnis Josephi dicens; Surge et accipe Puerum et Matrem eius et vade in terram Israel; defuncti sunt enim, qui quærebant animam Pueri. Ergo si

Christus urbs fortitudinis est impeccabilis essentialiter, et per se; murus et antemurale huius urbis fortitudinis, id est, Joseph et Maria, sunt etiam impeccabiles per gratiam et privilegium; et ambo esse debent absque macula originali concepti. Hac de causa dixit B. Virgo Domino Jesu; Ecce Pater tuus et ego quærebamus te.

Nos hæc sublimia, &c.

R Deo gratias.

R Dilectus meus candidus sicut nix in Libano,* sicut favus distillans labia eius; mel et lac sub lingua illius. V Vivit Dominus, quoniam adimplevit in me misericordiam suam. Sicut favus....

—DIA 17 DE ABRIL.—

LECTIO I,

—EX DOCTORIBUS.—

Domine Sancte Joseph Christi Pueri per Virginem adorator prime; moderator incarnatæ Sapientiæ, nutritie Pastoris universi, organum verbi silentis, custos thesauri cælorum, et redemptor redemptoris oblatis. Domine Sancte Joseph servator Salvatoris mundi, dux rectoris omnium, hospes Dei peregrinantis, coadjutor magni concilii, caput nobilissimæ et sanctissimæ familiæ, et cui rex et regina cælorum servierunt. Domine Sancte Joseph Jesu et Mariæ singulariter dilecte, cui par in terra non est natus, tanto melior angelis effecte, quanto differentius præ illis nomen hæreditasti, cui gratiam Jesus et Maria vultu, voce, vita et continua conversatione per tot annos afflarunt.—*Litan.*

Noë hæc sublimia, &c.

R Deo gratias.

R Velo voluntatis Dei tegebatur quantum dignitatis et sanctitatis erat in divino Josepho.*Sed velum scissum est. V Et secutæ sunt voces concionatorum et doctorum quæ de illo perfectissime scripserunt. Sed velum....

LECTIO II.

Deipara pendebat a suo marito Josepho.

Nostra immaculata et divina Maria non solum potuit, sed etiam debuit peudere a viro suo Josepho, atque sub eius esse potestate. In primis, in externis et domesticis rebus, debuit suo modo esse subdita viro suo Josepho, tum quia caput mulieris est vir; tum quia ad illum familie gubernatio pertinebat. Unde, quando aliquid huiusmodi agendum erat, ex divino instinctu illi fiebat revelatio, ut patet de fuga in Ægyptum et de reditu ex Ægypto. Unde etiam impositio nominis Jesu illi iniuncta est; Vocabis nomen eius Jesum. In his quæ pertinet ad mysteria Incarnationis Fili Dei et ad privilegia huius gratiæ suscipienda, pendebat etiam a nostro immaculato Josepho; et videtur mihi verbum factum esse carnem in Virgine Maria post suum consensum, quia caput mulieris desponsatæ est vir cum illa desponsatus; ergo Deipara etiam in hoc mysterio pendebat a suo marito Josepho. Licet enim B. Virgo respectu sui et nostræ terribilis, ut castrorum aciei ordinatæ caput serpentis facillime contriverit; tamen respectu boni nominis, honoris et famæ propriæ et Christi Filii sui eguit Josepho, pendebat de Josepho tamquam divino antemurali quo deficiente, corrueret virginalis muri existimatio et Christi civitas pateret; ergo Deipara pendebat a suo marito Josepho; ergo

subdita fuit Josepho, sicut Jesus voluit esse subditus Mariae et Josepho.

Nos hæc sublimia, &c.

R Deo gratias.

R Tamquam iustus diffusa est gratia in conceptione eius et speciosus apparuit inter homines.*Adiuvit eum Deus mane diluculo. ¶ Sanctificavit in suo Patre virginali Josepho tabernaculum suum.—Adiuvit....

LECTIO III.

Mariam desponsari Josepho conveniens fuit propter nos.

Conveniens fuit propter nos Virginem Mariam desponsari virgini Josepho; quia testimonio Josephi comprobatum est Christum ex Virgine natum; quia ipsa verba Virginis Matris magis credibilia redduntur suam virginitatem asserentis; ut tolleretur excusatio Virginibus quae propter suam cautelam non vetant infamiam; quia per hoc significatur universa Ecclesia, quae cum Virgo sit, desponsata tamen est uni Viro Christo, ut in persona Deiparae Virginitas et matrimonium honorarentur; ut S. Joseph tantae fungeretur Virgini, ne homines paupertate spernamus, quia saepenumero Deo chariores existunt; ut placere studentes moribus praecipue coram Deo et angelis clarescere satagamus, opinione hominum relicta, et tamquam Dominus Joseph sanctis erudiamur exemplis; ut virginitatis lilium in virili sexu a Deo consecratum et ab angelis intelligamus; ut ex modo vivendi Domini Josephi ad angelicam familiaritatem ascendere discamus; ut secreta Dei nobis mortalibus inscrutabilia missa faciamus; distant enim cogitationes Dei atque eius consilia a cogitationibus

hominum, amplius quam distet coelum a terra; ut B. Virgo, et Sanctissimus Joseph simul desponsati et matrimonio copulati et in virginitate perseverantes dedissent exemplum aliis coniugatis similiter facienda et caste in omnibus vivendi.

Nos hæc sublimia, &c.

R Deo gratias.

R Ut noster immaculatus Joseph et sua Sponsa Maria omnem subeuntes statum.*Per omnia in omnibus tentati. ¶ Discerent omnibus misereri et subvenire. Per omnia....

—DIA 18 DE ABRIL.—

LECTIO I.

—EX DOCTORIBUS.—

Domine Sancte Joseph, in castitate mundissime, in humilitate profundissime, in charitate ardentissime, in contemplatione altissime, vir juste atque perfecte pretiosissima inter brachia Christi et Mariae morte functe Domine Sancte Joseph qui cum Christo inter alios resurrexisti, qui corpore et animo peculiaribus gloriae donis frueris, qui solio Matris et Filii tam proxime assides, in salutem electorum Dei maxime. Domine Sancte Joseph princeps fratrum, firmamentum gentis, stabilimentum populi, protector morientium atque praesidium nostrum.—*Litan.*

Nos haec sublimia, &c.

R Deo gratias.

R Ego benedicam, ait Jesus, et ero auxiliator omni homini.*Qui ad honorem Patris mei Josephi sacrificium obtulerit, et meditabitur in vita sua et in laboribus suis. Qui....

LECTIO II.

Aliquæ proportiones inter Deiparam et Josephum.

Sicut decuit ut Maria summa puritate niteret, sic decuit ut haberet suo modo parem Sponsum purissimum; Joseph et Maria regali ex progenie renitenti et illustri; Joseph et Maria sanctificati in sua conceptione immaculata diversimode tamen recipientes gratiæ mensuram; vovit Maria virginitatem, vovit etiam illam et ipse Joseph; novit Maria mysterium Incarnationis a sæculis absconditum, angelo nuntiante; novit et Joseph admonitus super hæc ab angelo; turbata est Maria in angelica salutatione, turbatus est et ipse Joseph ad stupendum tantæ novitatis miraculum; quemadmodum enim Virgo Maria ex profundissima humilitate propter incogitatum et incomprehensibilem honorem turbata fuit turbata est, inquit Evangelista in sermone eius, sic etiam turbatus est S. Joseph ex gravissima sua humilitate, indignum quippe sese iudicabat. Angelus timorem a Maria amovens, dicebat; Ne timeas, Maria, invenisti enim gratiam apud Deum; idem Angelus eisdem fere verbis utens dixit ei; Joseph fili David, noli timere accipere Mariam coniugem tuam: Visitavit Maria Elisabeth, et cum illa Joseph, decantavit canticum Maria cecinit et ipse cum Zacharia; Congratulata est Maria cum ceteris, et congratulatus est Joseph cum propinquis; obedivit Joseph edicto Cæsaris, obedivit pariter et Maria; Maria cum summo gaudio adoravit Filium suum, et Filium suum adoravit Joseph.

Nos hæc sublimia, &c.

R Deo gratias.

R Maria conservabat in corde suo, quae diceban-

tur a Puero Jesu.* Joseph conservabat in corde suo, quae dicebantur a Puero Jesu. ⁊ Pater Jesu et Mater mirantes erunt super his, quae dicebantur de Puero. Joseph....

LECTIO III.

*Maria et Joseph fuerunt a Deo electi per
—modum omnium.—*

Beatissimam Virginem Mariam fuisse ab aeterno praevisam et electam in Dei Matrem certissimum est. Beatissimum quoque Josephum electum fuisse ab aeterno in Sponsum dulcissimum eiusdem Virginis verumque Christi virginalem Patrem, certissimum est. Maioris tamen claritatis gratia debet dici, quod quaecumque fiunt sub sole ab aeterno praevisa sunt a Deo, quia non est ulla creatura invisibilis in conspectu eius, omnia autem aperta sunt et nuda oculis eius, et quia Dei cognitio mensuratur aeternitate, sicut suum esse, aeternitas tota simul existens ambit totum tempus. Ergo omnia, quæ contingunt, facta sunt, ut dispositio Dei et consilium suum sortiret effectum, nullam tamen imponendo necessitatem rebus volitis a libero arbitrio; ergo ambo vocati sunt ut essent non solum absque peccato originali, sed etiam absque ullo peccato actuali, etiam levissimo; ergo ambo vocati sunt ut essent, sancti sed maxima sanctitate, maxima puritate, ita ut nostra immaculata et divina Maria haberet infinitam puritatem, infinitam sanctitatem, ut esset revera idonea ad Dei maternitatem; et noster immaculatus Joseph haberet etiam quasi infinitam sanctitatem ut esset revera idoneus ad Dei virginalem paternitatem.

Nos hæc sublimia, &c.

R Deo gratias.

R Totum factum est ut adimpleretur quod dictum est a Domino per prophetam.*Ecce in utero Virgo habebit et pariet Filium. † Et Joseph vocabit nomen eius Jesum. Ecce in utero....

—DIA 19 DE ABRIL.—

LECTIO I.

—EX DOCTORIBUS.—

Beatus ille servus, quem constituit Dominus suæ Matris solatium, suæ carnis nutritium, solum denique in terris magni consilii coadjutorem fidelissimum.— Ora pro nobis, Sancte Joseph.— Ut digni efficiamur promissionibus Christi.— Oremus.— Sanctissimæ Genitricis tuæ Sponsi quaesumus, Domine, meritis adjuvemur, ut quod possibilitas nostra non obtinet, ejus nobis intercessione donetur. Fecit me Dominus quasi Patrem Regis et Dominum universæ terræ; venite ad me, et ego dabo vobis omnia bona. Sancte Joseph, noli despiciere animam meam; et animas servorum tuorum.— Oremus.— Custodi nos Domine, protectione perpetua, qui beatum Joseph Unigenito tuo nutritium et Virgini Matri custodem providisti. Per eundem Christum Dominum nostrum.— Amen.

—*Eccl.*

Nos hæc sublimia, &c.

R Deo gratias.

R Exaltet nostrum sanctum Institutum, divinum Josephum.*Quia Jesus et Maria plenissime gaudent. † De cultu Sanctissimo Joseph devote exhibete.— Quia Jesus....

LECTIO II.

Præcipue circumstantiæ matrimonii Mariæ et Josephi.

Quum Virgines in templo Hierosolymitano usque ad nubilem ætatem pervenissent, tunc Pontifex publice denunciabat ut Virgines in templo constitutæ et quæ pubertatem impleverant, domum reverterentur propriam ut nuptiis operam darent. Sola Virgo Maria hoc se facere non posse respondit, quia Domino Virginitatem voverat. Pontifex in angustia constitutus ad consulendum Deum de more accedit, et vox de propitiatorio facta est requirendum esse cui Virgo illa desponsari et commendari deberet, cunctosque de domo David nuptui habiles non coniugatos Virgas suas allaturos ad altare perducere et cuiuscumque virga flores germinasset, et in eius cacumine Spiritus Domini in specie columbæ consedisset, ipsum esse cui Virgo commendari et desponsari deberet. Quod quum in Josepho feliciter contigisset statim omnibus apparuit hominibus Virginem ei desponsandam fore, et tamquam magis idoneus divino miraculo iustus Joseph fuit electus ut benedictus inter viros, fidelis moribus ipsaque specie maior. Quid enim præstantius toto terrarum orbe reperiri potest quam coniugem esse Deiparæ? Si laudatur maxime Joannes quod Virginem a Christo commendatam in suam acceperit, quibus laudibus afficiendus erit Joseph qui Virginem non in suam solum, verum in suam etiam coniugem accepit? Fuit revera noster Joseph simillimus suæ Sponsæ Mariæ, et cum Maria sine peccato actuali, et cum Maria sine labe conceptus.

Nos hæc sublimia, &c.